



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-171-2/23**
Datum: **17.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „KORPORACIJA” d.o.o. Bosanski Petrovac, u postupku izdavanja vodne saglasnosti za promjenu namjene skladišnog prostora u proizvodni pogon – pilana, i za ispuštanje tehnoloških otpadnih voda sa lokacije i iz pogona za primarnu obradu drveta, izgrađenog u naselju Kolunić, u ulici Drvarska bb, Općina Bosanski Petrovac, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE

1. Odbija se zahtjev pravnog lica „KORPORACIJA” d.o.o. Bosanska Petrovac sa sjedištem u ulici Drvarska bb, u naselju Kolunić, Općina Bosanski Petrovac, za izdavanje vodne saglasnosti za ispuštanje tehnoloških otpadnih voda sa lokacije i iz pogona za primarnu obradu drveta iz hale 2 i 3 koje su promijenile namjenu iz skladišnog prostora u proizvodni pogon – pilana, izgrađenog na zemljištu označenom kao k.č. broj: 12/19-3, K.O. Kolunić, Općina Bosanski Petrovac, s obzirom da za predmetnu aktivnost, u skladu s odredbama člana 109. Zakona o vodama FBiH, nije propisana obaveza pribavljanja vodnih akata iz nadležnosti ove Agencije.
2. Ova Rješenja ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene tehnološkog postupka u proizvodnji i/ili promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik predmetnog objekta je dužan da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice, „KORPORACIJA” d.o.o. Bosanski Petrovac, zahtjevom od 24.04.2023. godine, zatražilo je izdavanje vodne saglasnosti za promjenu namjene skladišnog prostora u proizvodni pogon za primarnu preradu drveta (pilana) odnosno za ispuštanje tehnoloških otpadnih voda sa lokacije pogona za primarnu preradu drveta, koje se nalazi na zemljištu označenom kao k.č. broj: 12/19-3, K.O. Kolunić, općina Bosanski Petrovac.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka, izdano dana 27.04.2022. godine, pod brojem: 017-0-Reg-22-000305 dana 27.04.2022. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 10.11.2015. godine od strane Federalnog ministarstva finansija - Porezne uprave – Kantonalnog poreznog ureda Bihać,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza, izdano od strane Uprave za indirektno-neizravno oporezivanje Banjaluka pod brojem 04/1-17-1-UPJR/1-6829-2/22, dana 19.10.2022. godine,
- Uplatnica uprave pristojbe,
- Ovjerena kopija Rješenja kojim se daje urbanistička saglasnost za promjenu namjene skladišnog prostora u proizvodni poslovni objekat – pilana, vlasništvo „Korporacija” doo

Bosanski Petrovac, izdano od strane Općinske službe za prostorno uređenje, katastar i imovinsko-pravne poslove, Općine Bosanski Petrovac broj: 04-19-5604-UP-1/22. dana 22.03.2023. godine

- Kopija rješenja o prethodnoj vodnoj saglasnosti pravnom licu „Korporacija“ doo Bosanski Petrovac, izdana od strane Agencije za vodno područje rijeke Save, Sarajevo, broj UP-1/21-1-40-041-4/23 06.03.2023.godine,
- Uvjerjenje o priključku na gradsku vodovodnu mrežu pravnog lica „Korporacija“ doo Bosanski Petrovac, izdano od strane „Komunalno“ doo Bosanski Petrovac pod brojem 145/2023. dana 07.04.2023. godine,
- „Glavni Projekat za promjenu namjene poslovnog objekta hale-skladišta (hala 2 i hala 3) u pilanu“, izrađen od strane ovlaštenog pravnog lica „Euroing“ doo Bihać pod brojem AGP 04-03/23 aprila 2023. godine, revidiran od strane „studio struktura“ doo Bihać.

Postupajući po podnesenom zahtjevu, a u cilju utvrđivanja uvjeta za pokretanje upravnog postupka u ovoj upravnoj stvari, od strane stručne osobe iz Agencije za vodno područje rijeke Save Sarajevo, i na temelju dokumentacije dostavljene uz zahtjev utvrđeno je sljedeće:

Predmetni pogon se nalazi u naselju Kolunić, u ulici Drvarska bb, Bosanski Petrovac.

Proizvodni proces je u osnovi rezanje i obrada oblovine a vrši se na električni pogon bez upotrebe nafte i naftnih derivata i u samom proizvodnom procesu se ne upotrebljava voda, (ne vrši se pranje trupaca, kora sa trupaca ostaje na okorcima, koji se prodaju kao ogrijev) pa samim tim i ne nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 I 96/20), odnosno nema ispuštanja otpadnih voda u smislu odredbi člana 109. Zakona o vodama.

Nadalje je utvrđeno da nastali otpad (otpadno drvo-okrajci i piljevina i dr.) u procesu proizvodnje, ne uzrokuje bilo kakvo onečišćenje vanjskih manipulativnih površina jer se isti skuplja u složajeve i koristi kao ogrijev. Piljevina koja nastaje u procesu rezanja i obrade drveta sa svih radnih mašina i uređaja se pneumatskim sistemom prikuplja i pohranjuje u spremnike. Nakon prosušivanja piljevine, ista se koristi kao gorivo za rad kotlovnice. Na manipulativnim površinama koje se koriste za skladištenje sirovi, neobrađenih trupaca ne nastaju oborinske, onečišćene vode, kako je to utvrđeno odredbama člana 3. tačka (s) Uredbe o uvjetima ispuštanja otpadnih voda u okoliš i sisteme javne kanalizacije.

Uvidom u dostavljenu dokumentaciju utvrđeno je sljedeće:

- Predmetni pogon je izgrađen sa lijeve strane magistralnog puta M-14-2, Bosanski Petrovac – Drvar.
- Predmetni pogon se sastoji od dvije skladišne hale koje se preinačuju u proizvodne hale, i to hala 2 za rezanje oblovine i izradu piljenica te hala 3 za obradu i izradu elemenata, sa sanitarnim i prostorom za ishranu radnika, zatim tamponiranog stovarišta oblovine na otvorenom, asfaltiranih radnih i manipulativnih površina, skladište gotovih proizvoda u hali 1 i ispod nadstrešnice, pomoćni objekt – oštračnica-alatnica,
- Na radnim mašinama se pneumatskim sistemom usisavanja prikuplja piljevina i odlaže u spremnike,
- Proizvodni postupak počinje dovozom oblovine na stovarište oblovine. Zatim se trupci čiste od nečistoća strugačima ručno (zemlja, pijesak i slično) te se viljuškaremanose na prostor brente na grubi razrez, u prostoru proizvodne hale. Unutar proizvodne hale se trupci obrađuju na zadane elemente na sljedećim radnim uređajima: - široko-tračnoj pili sa pomičnim transporterom za trupce i transportom piljenica, horizontalnim transporterom do sljedećih radnih mašina, kružnoj pili za krajčenje piljenica i tračnoj pili (za podužno piljenje).
- U oštračnici su smješteni strojevi za oštrenje i peglanje tračnih pila,
- Piljevina se dijelom skladišti. Nakon odležavanja piljevina se koristi za zagrijavanje prostorija,
- Čišćenje, pranje i održavanje radnih mašina i transportnih sredstava se vrši na prostoru kod ovlaštenog servisa motornih vozila, a prema zaključenom ugovoru.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Riješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „KORPORACIJA“ d.o.o. Bosanski Petrovac, Drvarska bb, 77 250 Bosanski Petrovac
- AVP Sava, ISV – Vodna knjiga
- Sektor 40, arhiva
- Oglasna ploča